



Lassalette: «Ikastola euskal eskola publiko bilakatu beharko litzateke» / 15



Bihar Silvio Berlusconiaren gobernu koalizioa hautsi egingo da / 22



Jabier Irureta: «Athleticen heldutasun apur bat falta zaigu» / 24-25

Egunkaria

Igandea, 1994ko abenduaren 18a / V. urtea / 1.250 zenbakia / Salneurria: 100 pta. / 5,5 libera

BERTSOLARITZA

Finala gaur Arriagan

Bilboko Arriaga antzokian jokatu da gaur Araba eta Bizkaiko bertsolarien txapelketako finala goizeko hamaiketatik aurrera. Zortzi bertsolari arituko dira Jon Enbeitaren txapelaren bila. / 29-30

Txetxeniarrak suntsitzeko prest agertu da Mosku

«Ordena konstituzionala berriro ezartzeko» indarra erabiltzeko prest agertu zen atzo Mosku eta ultimatum amaituko orduko Txetxenia defenditzen ari direnak suntsitu egingo dituela mehatxatu zuen. Hori dela eta, dei egin die atzerritarrei eta kazetariei Txetxenia bertan behera utz dezaten. Arma mak uzteko emandako ultimatum amaitu da. / 21

Jende ugari Parisen presoan aldeko martxan

Aurreko lau ekitaldietan baino jende gehiago izan zen atzo presoan aldeko Pariserako martxan. Joandako euskal herritarrei Kortsikako eta Britainiako delegazioak gehitu zitzaizkien eta elkarrekin Fresnes eta La Santeko espetxe aurrean izan ziren. Arratsaldean 1.500 lagunez osatutako manifestaldia egin zuten Parisko karraketan. / 8

BESTERIK

EKONOMIA

Vital Kutzak 3.600 milioi pezetako mozkina espero du aurten / 19

KIROLA

Taugresek Estudiantes taldea hartuko du Araba pabilioian / 23

hitz lau

Oinaz eta Ganboa enegarrenez / 33

JOXE AUSTIN ARRIETA

Hamar mila lagun EGUNKARIArekin

Jaialdi aparta egin da Donostiako belodromoan laugarren urtemuga ospatzeko

Donostiako belodromoa bete zuten lagunek EGUNKARIAren laugarren urtemuga ospatu zuten atzo Euskaldunon Festa ezin hobean. Jaialdia hasi aurretik giro aparta bazegoen, Jose Luis Korta patroiz egunak eszenategia altxatzeko agindua eman

zuenetik Lin Ton Taun taldearen azken kantua amaitu arte izugarri ongi pasatu zuten bildutako euskaltzale guztiek.

Bertsolariak, trikitilariak, kantariak, dantzariak, esketxak, pailazoak... denetarik izan zen festan. Haurrek, gazteek, hel-

duek, denek gozatu zuten ikusi eta entzundakoaz.

Eta hasi bezala, jendeak zuzenean parte hartuz amaitu zen festaren lehen zatia, hamar mila lagunek EGUNKARIA geurea dela kantatu baitzuten.

Bigarren zatia musika kon-

tzertua izan zen eta gazteek Zarama, BAP, Etsaiak eta Lin Ton Taun taldeekin jo ta su dantzatu zuten. Arratsaldeko 5.30etan hasitako jaialdia gauerdiguan amaitu zen, bosgarren urtemuga ospatzeko topatu eta gero. / 9-14



Hasi eta bukatu arte bildutako euskaltzaleek giro izugarria sortu zuten.

EDURNE KOCH

Arrantza politikari buruz bilera erabakigarria bihartik Bruselan

Europako Batasuneko (EB) Arrantza ministroen Kontseiluak Espainia eta Portugalen arrantza eskubideak gainontzeko estatuetakoekin berdintzea, bolanten erabilera, zenbait arrainen harrapaketa kuotak eta hauen banaketa eztabaidatuko

dituzte bihar eta etzi Bruselan. Batez ere arrantza eskubideen eta bolanten gaitan dauden iritziz kontrajarriek erabakiak atzera litzakete. Arrantza ministroek erabakia hartzen badute, behin betikoa izango da. / 18

PSE-EEK ezezkoa eman arren EAJk ez du baztertu hiruko gobernua

PSE-EEren exekutibak emandako ezezko borobilak ez dio EAJri hiruko gobernua osatzeko esperantza galduarazi eta biharko alderdi sozialistaren erantzunaren zain dago. Rosa Diez bozeramaile sozialistak hala ere, ezezkoa izango dela

aurreratu du. EAJ EArekin batera gobernua osatzeko ahalegina egingo du eta saio honek porrot egingo balu bakarrik gobernatuko luke. Bien bitartean EAJk eta EAK Asanblada nazionalak egin zituzten atzo egoera aztertze. / 5-6

EZKURRA-EIZAGIRRE ETA ALTUNA-LEKUNBERRI BIKOTEEK JOKATUKO DUTE GAUR ERREMORTEKO FINALA / 27